



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopis, Episcopis, Abbatibus, & aliis tam Clericis quàm laicis per
regnum Vngariæ constitutis.

urn:nbn:de:hbz:466:1-20020

TERDONENSI EPISCOPO.

*Ips. 116.
Diputatio
pro contumac
ia matrimonio
a secundo &
anno, causa
justa.*

Sicut ex tuarum acceperimus serie litterarum, inter quosdam Terdonenses cives, propter homicidium quod quidam ex eis dicitur perpetrasse, grave scandolum est exortum. Verum ne odium profilaret ad actum, interficti consanguinei quandam ipsius neptem nepoti homicidium perpetrantis nisi sunt matrimonialiter copulari, inter eos contradicunt. Jam sponsalibus de praesenti. Sed quia contrahentes prefati secundi generis affinitatis gradu tertio se contingunt, ipsum contrahi matrimonium permittere noluisti. Quacirca fraternitati tuae per apostolica scripta mandamus quatinus cum ex hoc bonum non modicum valeat provenire, ipso, si aliud canonicum non obsistat, inter se contrahere matrimonium ex dispensatione permittas. Datum Viterbij Kal. Octobris, anno decimo.

ARCHIEPISCOPI, EPISCOPI,
Abbatibus, & aliis tam Clericis quam
laicis per regnum Vngarie constitutis.

*Ips. 117.
Legatum le
git apostolic
issimile re
cipiunt.*

Fundamentum & fundator Ecclesiae Dominus Iesus Christus, postquam splendore sue divinitatis inflammavit testam fragilitatem humanae, ut dragmam perditam reperiret, & pius pastor ad cadas, ubi non aginta novem reliquerat, erabundam omen propriis humeris reportaret, usque adeo erga salutem humani generis cotidiana remedia incessanter exhibuit ut si quis a catholica fide non devians hoc velit subtiliter intueri, sicut ipse est totius gratia plenitudo, sic ad plures circa nostrae conditionis miseras miserationes ejus exuberant, ut in omnibus ipsius perfectio nostrum suppleat imperfectum. Inter cetera sane quibus Christiano populo propter varias plagas criminum quasi semivivo relicto per ipsius prudentiam sunt provisa remedia, convenientis antidotum in soliditate sedis apostolica renovavit, eam totius Christianitatis caput constituens & magistrum, a qua, sicut unguentum in capite quod descendit in barbam & ad oram etiam vestimenti, panis intellectus & vita ad alias Ecclesias cum doctrina procedat fidei & aqua sapientiae salutaris. Verum ne inter curas continuas & prægrandes pastor ipsius & rector pro defectu imperfectionis humanae deficeret, si solus consumendus inani labore ad suam omnia sollicititudinem revocaret, attendens quod messi multa-

unus non sufficiat operarius, multos sibi operarios & verbi dominici cooperatores adjungit, ac per eos exequi cogitur quæ per se non potest personaliter adimplere, ejus instructus exemplo qui & duodecim Apostolos & alios septuaginta duos elegit, & binos ante faciem suam ad prædicandum direxit. Cum igitur necessitas regni Vngarie illuc exegerit Legatum a nostro latere destinari, nos ad exaltationem & commodum tam Regis quam regni specialiter & efficaciter intendentes, eum ad partes illas non immerito duximus transmittendum quem inter fratres nostros sincera diligimus in Domino caritate, dilectum videlicet filium nostrum G. Tituli sancti Vitalis Presbyterum Cardinalem, virum genere nobilem, literarum scientia præditum, morum honestate præclarum, discretum & providum, & suis exigentibus meritis nobis & fratribus carum admodum & acceptum, concessa sibi plenaria potestate ut evellat & destruat, ædificet & plantet quæ in regno illo evella & destruenda, ædificanda cognoverit & plantanda. Monemus proinde universitatem vestram attentiū & exhortamur in Domino, per apostolica scripta præcipiendo mandantes quatinus præfatum Cardinalem tanquam Legatum apostolicæ sedis & magnum in Ecclesia Dei locum habentem, imò personam nostram in eo recipientes humiliiter & devotè, ipsiusque salubribus monitis & præceptis promis mentibus intendentes, quæ inter vos statuenda duxerit, tanquam devotionis filij recipiatis firmiter & servetis; de cuius nimirum circumspectione provida, & providentia circumflexa indubitatum fiduciam obtinemus quoniam dirigente Domino gressus ejus, ita regia via curabit incedere quod non declinans ad dexteram vel sinistram, ipsi Deo, nobis quoque, ac vobis pariter merito poterit complacere. Ipsius proinde universi ac singuli reverentiam debitam & devotam obedientiam impendere satagatis; ne si, quod absit, a quoquam esset aliter attentatum, præter ipsius Cardinalis officiam, cuius censuram canonicam, si quam in contumaces aut rebellis duceret promulgandam, facceremus usque ad satisfactionem condignam inviolabiliter observari, nostram quoque indignationem incurreret, qui secundum Apostolum omnem inobedientiam prompti sumus ulcisci. Datum Viterbij Nonis Octobris, anno decimo.

In eundem modum Archiepiscopis,

K iij



78 *Epiſtolarum Innocentij III.*

Episcopis, Abbatibus & aliis tam Clericis quam laicis per Dalmatiam constitutis.

*ARCHIEPISCOPI, EPISCOPI,
& universis tam Clericis quam laicis
per Rutheniam constitutis.*

Epif. 13.
V. Legatum
apostolice sedis
honosificè
pertractant.

Licet haec tenus elongati fueritis ab uberibus matris vestræ, tanquam filii alieni, nos tamen, qui sumus in officio pastorali à Deo, licet immeriti, constituti ad dandam scientiam plebi suæ, non possumus affectus paternos exuere, quin vos sanis exhortationibus & doctrinis studemus tanquam membra vestro capiti conformare, ut Effrahim convertatur ad Iudam, & ad Ierusalem Samaria revertatur. Vtinam intelligere velitis sapere ac novissima providere, ut à mentibus vestris omni' depulsa caligine, ad viam ab invio redeatis, qui dudum post greges sodalium evagando, vos ejus pertinaciter magisterio subduxisti quem Salvator noster universalis Ecclesia caput constituit magistrum, inquiens ad eundem: *Tu vocaberis Cephas. Et: Tu es Petrus, & super hanc petram aedificabo Ecclesiam meam. Et tibi dabo claves regni cœlorum. Quodcumque ligaveris super terram, erit ligatum & in cœlis; & quodcumque solveris super terram, erit solutum & in cœlis.* Cui cum Dominus oves suas pascendas tertio repetito vocabulo commisserit, manifestè dedit intelligendum à grege dominico alienum qui etiam in suis successoribus ipsum contempserit habere pastorem. Non enim inter has oves & illas distinxit, sed simpliciter inquit: *Passe oves meas, ut omnes omnino intelligentur ei esse commissæ.* Cum igitur una sit & indivisa Domini tunica, nec unquam passa sit divortium sponsa Christi, juxta quod sponsus in Canticis attestatur, *Vna est, inquiens, columba mea, una est matri sue electa genitrici sue, videbunt eam filii Sion, & beatissimam predicatorum Regine, & concubinae laudaverunt eam,* necesse est ut quicunque ab hujusmodi unitate recesserint, aquis submersi diluvij, partem cum angelo apostata fortiantur. Ut autem ipsius illibata unitas servaretur, unum eidem Dominus, sicut præmisimus, beatum Petrum videlicet, caput constituit & magistrum, ut quasi Noë arcum, extra quam animalia derelicta in diluvio submerguntur, salvatis certis infra ipsam contentis, in uno cubito consummaret, pro cuius fide, ne in sua passione deficeret, specialiter exoravit, eidem præcipiens ut fratres suos conversus

ali quando confirmaret. Cū ergo iñnumeris ferè testimoniis scripturarum, quas vos nec convenit nec expedit ignorare, unitas Ecclesiæ comprobetur, non est mirum, cū simus, licet immeriti, successores illius cui iussit Dominus pascere oves suas, si errabundas oves nitimus ad caulas reducere, ut sicut est unus pastor, sic fiat unum ovile, si totis viribus labramus ne quodammodo difforme fiat corpus Ecclesiæ, si partem aliquam ab eo contingenter separari. Vt autem ad præfens de reliquis raccemamus, cū Græcorum Imperium & Ecclesia penè tota ad devotionem apostolicæ sedis redierit, & ejus humiliter mandata suscipiat & obediatur iussioni, nonne absconum esse videatur ut pars toti suo non congruat, & singularitas à suo discrepet universo? Præterea, quis scit an propter suam rebellinem & inobedientiam dati fuerint in di-reptionem & prædam, ut saltē daret eis vexatio intellectum, & quem in prosperis non cognoverant, recognoscerent in adversis. Quia igitur, karissimi fratres & filii, si dignè volumus impositum nobis pastorale officium adimplere, quantum fragilitas humana permittit, vos ad ea debemus inducere per quæ dispendium temporalium & æternorum positivis periculis evitare, dilectum filium nostrum G. Tituli sancti Vitalis Presbyterum Cardinalem, virum genere nobilem, litterarum scientia præditum, morum honestate præclarum, discretum & providum, & suis exigentibus meritis nobis & fratribus nostris carum admodum & acceptum, ad partes vestras duximus destinandum, ut filiam reducat ad matrem & membrum ad caput, concessa sibi plenaria potestate ut evellet & destrueret, aedificet & planet quæ in partibus vestris evelleta & destruenda, aedificanda cognoverit & plantanda. Monemus proinde &c. ut suprà usque obtinemus; quoniam dirigente Domino gressus ejus, inter vos ea curabit statuere per quæ Deo, nobis quoque, ac vobis pariter merito poterit complacere. Datum ut in alia.

CLERO ET POPULO VITERBIE NSI.

EX privilegio felicis memorie C. Pa-pæ prædecessoris nostri cognovimus evidenter quod ipse fidem & devotionem vestram attendens, de communis fratrum suorum consilio Viterbiense oppidum honorabili civitatis nomine insignivit, & pag. 306. pontificalis cathedræ dignitate donavit,

Epif. 139.
V. Viterbiensis
Ecclesia sit deinceps cathedralis.
Vide to. 1 Ital.
parte 2.
fac. parte 2.
pag. 306.